

廣西通志




蘇東坡

詩集

卷之四

七



廣西通志卷二百六十

一列傳五 桂林五

黃嗣憲

朱大賈

劉需

唐之栢

文映朝

文秉濂

易友亮

唐正發

楊啟祥

余日鼎

王之驥

嚴亨

何昌儒

劉懋藻

梁敦峻

謝明英

蔣廷宏

朱履躍

蔣芾

朱兆元

王泰斌

曾一懋

蔣林

蔣如昇

楊家修

朱亨衍

趙聯仲

李梅賓

陳宏誠

唐斐然

楊嗣璟

陳宏謀

呂熾

湯應求

周瑞

曹鑿

張楮

曾唯

廣西通志卷二百六十

列傳五

同治四年編

董漢東

王照棟

朱若炳

蔣良驥

胡德琳

蔣振圖

郭良相

陳枚

弟元樞

陳培敬

李文蔚

弟元樞

蕭文印

光黃

弟元樞

陳金禮

瑞圖

弟元樞

包成功

任祿

弟元樞

童上標

黃嗣憲

弟元樞

王勝龍

請業者

弟元樞

譚會能

嗣憲文行

弟元樞

呂榮

兵燹之餘

弟元樞

馬騰雲

時士習

弟元樞

榮

朱大賈

弟元樞

楊秉昭

砍城行劫

弟元樞

李榮

至縣前

弟元樞

李榮

劉需

弟元樞

李榮

禽謂曰

弟元樞

李榮

聲曰汝

弟元樞

李榮

憤惜

弟元樞

李榮

廣西通志卷二百六十

列傳五

同治四年編

唐之柏字松文灌陽人順治丁酉舉人授漢陽知

縣漢陽自明末困於兵之柏在任又當吳三桂肆

逆大兵往來益著盤錯才設水口義渡船清下戶

緝奸究修學教士分校得人擢知雲南南安州已

中歛錢助行却不受調昆陽遷順天治中政績卓

然為戶部刑部郎上官倚重之以老乞休李

文映朝字中含全州舉人順治閒任安慶府同知

以慈惠綏民詰奸禦盜訓士子恤流亡士民頌之

有德政錄梓行尋遷戶部員外郎歸蕭然四壁人

以為有五柳風卒年八十金

文秉謙全州舉人康熙七年陝西淳化知縣縣有

浮糧

國初已蠲免後虛報新墾且溢前額賦滋重秉謙力

爭於臺使者事乃寢民感其德建祠祀之陝西省

易友亮字連美全州人初為本省院承有能聲巡

撫馬雄鎮器之委以本標守備甲寅吳逆變亂逆

帥孫延齡附之馬誓身殉國密令友亮赴柳請接

不應復令友亮導其長子世濟屬楊啟祥還京師

事急友亮又與同事唐正發唐守道等潛出馬劬

子世承孫國貞閒道赴都至豫章友亮乃返粵報

命是時延齡稔知其事繫友亮家屬於獄幽馬於

別室友亮鬻產賂賊得通問供給無缺及吳世琛

葬之事

聞特授兗州遊擊罷官歸以壽終李

唐正發字昌期全州人少事巡撫馬雄鎮會孫延

齡叛馬密召正發計正發慨然懷血疏負其子世

承孫國貞偽為鄉民出重圍由閒道行茶苦備至

引

見備詢情狀以其忠盡可嘉予議敘正發念馬死生不

可知復閒道返粵而馬已闔門殉節矣延齡聞正

發事殺其子一介妻蔣氏自經兄廷俊幾死於獄

正發匿山中賊平授涼州鎮守備調閩浙督標左

營遷浙撫標遊擊所至有聲以老乞休年九十二

唐守道唐文煥俱全州人當雄鎮被逼時與正發

等共其難守道官廣東守備文煥授守備以年老

不仕

楊啟祥字永昇靈川人克巡撫承舍康熙十三年

吳三桂陷桂林巡撫馬雄鎮為逆帥孫延齡所繫

啟祥奉雄鎮命偕其子奔湖廣不可達謠稱江西

醫人乃得出關告變於江西巡撫具疏以

聞啟祥乃同雄鎮子入奏授守備職後雄鎮殉節又偕

其子扶柩入京補山西壽陽守備越八年告歸壽

八十一卒俱同

桂叛逆徒嘯聚山谷中將軍傅宏烈以兵防禦民  
駭奔田燕不洽左江道劉曉知日鼎行誼委以招  
撫逃亡民咸歸集任懷遠訓導兵燹之餘日鼎興  
修學宮招徠庠士興行講學以老歸巡撫甘汝來  
題請祀鄉賢

永寧州 紀略

王之驥字龍友灌陽廩生康熙十三年孫延齡叛  
之驥學家迹跡深山賦三峰烟雨以見志延齡慕  
其名迫令督餉之驥堅臥不食而死所著有格致  
集

嚴亨灌陽人為陰陽學訓術請築都江四十四堰  
蓄水以資灌漑邑人德之

廣西通志卷二百六十列傳五

五

同治四年補刊

何昌儒灌陽人父應智患足疾將死昌儒籲於天  
一夕夢神示以膚血調藥可治既覺即潛割其左  
臂和藥傅之少止遂三割臂以治不旬日而父患  
竟愈族鄰欲舉於官昌儒固止曰虧體療親疾愚  
計也敢藉以沾名乎

俱同

劉懋藻全州人事親色養備至明末遭亂田園荒  
蕪舌耕以供菽水親沒哀毀骨立餓粥三年兄弟  
藹然一室兄卒後遺產悉畀諸姪與人交然諾不  
苟中康熙己酉鄉試初在河南光山令有善政擢  
監察御史終江南漕運使

李志

梁敦峻字也千全州舉人七齡失怙事母盡子職

讀書他所距家數里每日必歸省吳逆變偽黨慕  
其名招之敦峻奉母避深山中後為延長知縣以  
道遠不能迎養將棄官友人以覃恩封典勉之乃  
止繼得榮其親即請歸養晨昏奉侍未嘗一夕宿  
於外十餘年如一日每年九十三以壽終敦峻年

亦六十九矣哭三晝夜不絕聲母既殮旋亦卒  
謝明英字子干全州人康熙辛酉舉鄉試第一授  
永康學正遷柳州教授調思思殫心課士表章孝  
子節婦尤不遺餘力郡縣或以事屬研究務得其  
情所至皆有聲

金志

子賜履字建侯甫一歲母病渴  
即渡略約入圃拔菜蕪就溝水洗以進舉家驚異

廣西通志卷二百六十列傳五

六

同治四年補刊

年二十與父同中鄉試官感恩知縣兩月丁母艱  
候代而海賊巨艘將薄城城故圯乃出弓矢授丁  
男婦女懷瓦石晝督壯丁持畚插築城夜則男婦  
立圯處俟之凡三晝夜城完賊三薄城三引去蓋  
迫岸輒為風颺去賊謂神佑不敢復近云服闋補  
黔江知縣累遷戶部郎中出為永平知府永平夏  
澇傷稼而前守以有年聞賜履至見饑民枕籍即  
出庫帑三百振之勸富民出粟以助不旬日得萬  
餘石民心定乃赴上官請發倉儲詞氣激烈時楊  
文定名時為巡道贊成之先是通州所屬被水將  
入告至是乃以永平四州縣偏災附請得發粟十

萬石永平當四萬總督速檄通永道以百艘載糧由通州直達永平之樂亭地雖瀕海而小港深不逾尺且兩岸將結冰遲悞則獲罪矣賜履聞之大驚然已無如何馳赴港口相度飭牧令備車橐覓千夫又以蘆席萬就地爲圍駢近村以待居三日邏者告南風發港水二三尺百餘石舟已入矣又二日以深四五尺告可達三百石舟既而風益厲水益深入百石大舟揚帆竟入至第七日風止水涸空舟僅乃得出名時聞而歎曰謝守勤民神固默相之矣晉天津道旋擢湖北按察使未一載以僉都御史巡撫山東雍正元年取兩淮鹽政遷左副都御史又出爲兩浙鹽政以疾乞休著有悅山堂詩集十二卷賜履子庭琪字質夫雍正二年進士授神池知縣是時西北方用兵縣當孔道軍書旁午使車繹絡他邑多以違悞獲譴庭琪措置獨善過者交口譽之調安邑折疑獄以十數邑人有白面包老之稱又有謝半升之號謂其無畱牘也以卓異擢知忻州居二年以母老道遠憂思致疾乞歸將行矣士民數千人奔晉陽籲請按察使多綸歎曰官與民俱近古矣會故大學士劉於義權巡撫以民情疏畱得報可而母亦至署就養數月疾少開出視事民望覓歡

廣西通志卷一百六十 列傳五

七 同治四年補刊

呼雷動既而曰我公貌尙瘁幸自愛毋過勞以感我百姓庭琪潛然泣下曰吾無善政何以弔此於爾民惟願爾民各安業長子孫毋輕蹈公庭皆頓首泣謝去他郡有大獄久不決會勘者多附和初指庭琪獨疑其枉持不可力請破格三檢傷仗果不符乃釋久繫者其持重不撓類如此擢太原知府以母憂歸尋卒有詩若干首刻悅山堂集後

冊

采訪

蔣延宏全州生員少值兵燹幼弟被掠其母以念子故失明延宏椎胸飲泣晝夜籲天越三年乃從雲南得弟以歸母喜甚目忽明州志朱履躍臨桂人少昏於同里王氏七年而王卒子亨諱尙幼或勸之續取履躍曰取妻爲嗣續也今履躍已有子矣何以續爲況巾幗女子尙能矢志讀聖賢書乃爲忘義人耶自是鰥居五十餘載生平一以敦行爲先母遺疾晝夜不寐焚香祝天願以身代母沒後廬墓如禮其馴恤孤貧而居家以法御下以慈間黨奉爲模範

廣西通志卷一百六十 列傳五

八 同治四年補刊

金

蔣芾字肆柯全州人康熙丁卯舉人筮仕得直隸魏縣攜一第一僕往魏濱漳河罹水患屢奉檄築堤元城與魏相推諉芾勸民均其役於通縣躬赴春鍤資其糗糧五日夜堤成兩縣賴之衆名曰蔣

公堤建義學遷士子肄業捐俸資其膏火魏始有  
列鄉榜登進士者初魏人好訟日投數百紙芾剖  
決如神二年後幾致無訟以母病歸事母至孝撫  
弟姪曲盡友愛修先塋置祭田兩新宗祠二黨知  
交助皆葬傾囊齊卒之日親疎皆為流涕郡人  
士請於巡撫祀鄉賢魏人亦祀名宦

州志

朱兆元臨桂人性和平與物無競躬行儉樸而能  
赴人之阨困子姓咸黨中有孤獨無告者為之喪  
葬嫁取不伐其德子宏華中康熙癸酉舉人任河  
南沈邱知縣能得民以親老請告終養兆元以子  
貴封如其官年九十七而終

縣志

同時有周尙文者

廣西通志卷二百六十 列傳五

九

同治四年補

亦臨桂人字儁彬事母以孝聞嘗置義田營義葬

鄉里推為長者

宋諫

王泰斌臨桂人務農力學年二十一取韓氏韓善  
事舅姑和於妯娌泰斌雅敬重之甫六載以疾卒

子二俱在襁褓泰斌誓不再取昆第三人子姪男  
女五十餘人四世合爨無間言年七十有四卒

金志

曾一懋臨桂人八歲喪父家故貧母以鍼黹作生  
計指為鍼傷一懋輒流涕歲辛未母病痢汚衣裳

命其子遇壽澣濯溺於水家人奔告一懋持刃止  
之曰母病方劇一聞必痛絕有不測當自勿以殞

已而母病瘥呼遇壽以遠地讀書對母固問其妻

舍淚避之終母身未之知也生平未嘗疾言遽色  
或以非理干置不校其母姨老無子迎養於家事  
之如母鄉黨有稱貸者必竭力周之年七十有六  
乃卒雍正八年有司為請建坊表其閭

同

劉宏基字恒齋臨桂舉人康熙四十六年任晉江  
知縣以慈祥為政憫邑民之貧催科不立限不事  
敲扑聽訟得情應杖者仍減其數以計典罷百姓  
奔走呼號集萬餘人昇宏基至道府署前叩首乞  
畱三日而不得請則又之督撫署請如前俱慰之  
以歸老幼輸薪米如歸士民刊德政詩紀焉民郊  
送數十里涕泗而別

福建名

廣西通志卷二百六十 列傳五

十

同治四年補

蔣如昇字而旭全州舉人除偃師知縣歲饑漕糧  
催輓甚急如昇白於府請出倉粟代民輸漕不允

如昇矯令發之期以明歲秋成來歸至期民果如  
約與前令王澤長並祀南郭外

河南名

蔣林字元楚全州人康熙五十四年進士授檢討  
十年不調門人汪某者以文詞得幸年羹堯陰薦

其才將致幕府林遽以假歸後改戶部任雲南司  
郎中以知府外用歷官福建延平邵武浙江嚴州

知府嘗權杭州篆織造隆某議塞海寧尖山尖山  
者海門也深濶無量潮汝勢摧山嶽皆由此上下

林移書極言不可狀又上言制府勞民傷財事必

林移書極言不可狀又上言制府勞民傷財事必

林移書極言不可狀又上言制府勞民傷財事必

林移書極言不可狀又上言制府勞民傷財事必

林移書極言不可狀又上言制府勞民傷財事必

無成不聽時方四月乞少緩工俟田蠶畢又不聽  
且留督役以困苦之林冒暑雨巡役所泥滑滑礙  
股膝勞來撫循四萬人依爲慈父眷獨箕擔咄嗟  
立辦隆竟以無功得罪役雖未息杭人至今頌焉  
乾隆元年擢長蘆運使長蘆故有公使錢往時直  
指與運使歲各費數萬緡林不私一錢以終養得  
請歸草冠布衣往來田塍閒遇者不知其達官也  
做古立義倉以贍鄉人父卒既葬猶日一至墳所  
哀至長慟又八年卒著有介菴詩藁四卷采訪

廣西通志卷二百六十 列傳五

十一

廣西通志卷二百六十 列傳五

近城隍水溢常懼浸溺亨衍築堤數十里遂爲巨  
防州賴以寧再遷平涼府鹽茶同知同知舊駐固  
原距所屬皆遠輸將訴訟奔走維艱乃請於上官  
移駐海嘯都營城郭廨署五月而工峻民甚便之  
其居固原也州將御下嚴役軍士無寧暑歲將盡  
聚而譁當其時事巨測衆罔知措亨衍毅然獨出  
諭以禍福稍解散事定大府卽委會鞠乃戮首  
亂數人餘悉置寬典人以其始能倉卒定變又不  
肯張大其功以全多命尤稱頌不置云在任八年  
引疾歸買隙地種竹鑿池構堂其上雖規模草創  
處之夷然錢尙書維城鄒開學一柱皆爲繪引泉

築室圖以美之所著有詩集三卷退耕軒雜著四  
卷海喇都初志一卷子若東乾隆十年進士官至  
河南糧儲驛鹽道著詩集七卷散文一卷若東子  
依魯乾隆三十六年進士鴻臚寺卿著條庭記歲  
詩二卷柯庭賦一卷文二卷依吳乾隆四十九年  
進士官檢討有詩三卷館課存餘二卷雜著一卷  
存於家

楊家修字靜菴臨桂人康熙五十二年舉人雍正  
元年舉孝廉方正授河南寶豐知縣以誠治民  
不忍欺民居有被火者勢甚熾不可撲滅家修往  
救遠反風火息人比之江陵宰家修少孤母氏課

廣西通志卷二百六十 列傳五

十一

廣西通志卷二百六十 列傳五

之讀未冠以能文稱既而以經術教授里中大學  
士陳文恭實出其門方徵書之初下也人人延頸  
企足以觀盛典而鄉里之選官司之察核甚難其  
人踰年乃得家修及蒼梧黎子淳乘傳入

觀親對

殿廷士論榮之且以爲無愧云

李梅賓字與素臨桂人康熙六十年進士由庶吉  
士揀發四川補劍州知州在官不攜家文檄訟牒  
不假手於人簿書暇輒巡行郊野咨民疾苦藹若  
家人州人儼之李白夫目爲二李白夫者粵人前  
明時官其州有賢聲也川陝總督岳鍾琪蒞任之



初經其治梅賓供帳至簡陋岳廉其治狀遂以清官第一薦擢成都同知未一年擢寧遠知府尋調直隸廣平秋兩河漲城勢窪下舊有土堤垂陷梅賓兩立堤上懸重賞鳩工堵築廢寢食者三晝夜水將及堤左右具筏請登以避梅賓叱之曰堤不保則全城無子遺守土者將焉避既而水遠退終山東鹽運司

趙聯仲字迺廣興安人祖啟賢父之善皆敦倫紀聯仲承其教益修其行嘗誨子弟曰天下古今惟公字終身可行唐高宗問張公藝睦族之道公藝書忍字百餘以進然忍則必區畫以畢使之公公

則胥悅從而無事於忍也自聯仲曾祖至其孫曾凡六世合食至九十餘人

唐斐然字成章全州人少孤貧晝秉耒耜夜黹松明讀書康熙癸巳中鄉試雍正未授直隸隆平知縣縣於三輔地小民貧斐然勸民息爭訟勤耕墾嚴胥役催科騷擾之禁又立書院聚生徒以教之縣有村曰釜東者地卑窪多水斐然相其形勢宜捍以長隄而郊境大閘讒諸當事斐然執前議益堅造遣官相度果如所策於是築隄若干步釜東遂無墊溺患民立碑隄上以紀焉旋內擢工部屯田司主事尋引年歸

廣西通志卷一百六十列傳五

志

廣西通志卷一百六十列傳五

陳宏誠字汝和其先湖南人明末避兵遷粵居臨桂之橫山村父奇玉性誠篤居鄉以積善爲務宏誠少與其弟宏謀宏議攻舉子業補縣學生宏謀既貴顯而宏誠以獨行爲善於家能繼父志里中有大堰以滴水灌田歲久於塞重爲修築又立社舍修道路建宗祠人多賴之

曾喟然謂儒者以治生爲急而家事獨以累親不可於是去儒規什一之利以爲養而其兄得專志以成名業者宏議之力也性篤孝親沒守終身之喪數十年如一日尤嚴取予之義雖一介無所苟

人比之王彥方云

廣西通志卷一百六十列傳五

南

廣西通志卷一百六十列傳五

陳宏謀字汝咨雍正元年進士由檢討累官至雲南布政使時廣西巡撫金鉉以粵西地多糧薄令廢官及官生墾荒報捐以廣賦額人多就熟田擴其畝數實未能開墾也地不加闢而賦日增宏謀陳其事

敕下督撫會議未覆奏而宏謀復再疏劾乃鑄級授天津

道既而總督鄂爾達巡撫楊超曾奏墾報不實請予豁除而論僞報者如律沽河歲有水患法古人放淤之法使水歸大河堤內之地悉成膏壤歷遷江西巡撫疏言江西郡縣非濱江帶湖卽環山逼

嶺近湖者以圩隄防水害近山者以陂塘防沖決  
卽以資水利請以修築之勤情爲有司之殿最遂  
著爲令議築南昌螺絲港石堤以備田廬民利賴  
之調陝西以關中沃野苦河岸高不能引灌令民  
鑿井以溉田并成秦民以爲利調河南疏言黃河  
兩岸大堤外有古堤自懷慶府之武陟及獲嘉新  
鄉延津至滑縣與直隸之長垣接土人各爲大行  
堤遇河漲實爲外備年久多缺宜修補又言商邱  
之豐樂夏溝古宋諸河應請以公項修濬並如所  
奏行宏謀任陝西巡撫者再任江蘇者再任湖南  
者再任福建甘肅各年餘擢兩廣總督節制本郡

廣西通志卷一百六十列傳五

五

同治四年

尤爲異數最後以兵部尙書署湖廣總督尋內轉  
吏部官至東閣大學士凡厥歷數十年宦跡半天  
下清儉不異寒素而政治卓越尤盡心水利凡所  
興建輒爲經久之計其在江南條奏河工五事及  
運道蓄洩二事至今以爲法乾隆三十五年加太  
子太傅致仕薨於途

賜祭葬如例諡文恭祀賢良祠平生篤守宋儒之學而能  
踐履見諸行事所至以教育人才爲己任嘗刊近  
思錄大學衍義又輯養正訓俗教女從政學仕各  
遺規並在官法戒錄行世官湖南時創修通志晚  
年集其文爲培遠堂偶存子鍾珂字鳴遠乾隆辛

酉舉人其母楊夫人病與婦劉日夜侍疾三越月  
不怠人稱孝焉

楊嗣璟字營陽臨桂人雍正三年進士由編修遷  
任浙江京畿兩道御史前後疏奏十數事乾隆五  
年山西布政使某貪婪被劾嗣璟以吏部侍郎任  
劫獄成稱允以母疾請假歸父母卒服闋補宗人  
府丞遷禮部右侍郎十三年以保舉洗馬官獻瑞  
自代違誤降補太僕寺卿尋改宗人府丞卒平生  
喜爲詩尤工於書從弟嗣奇字偉略雍正十三年  
舉人由廣東鹽大使遷直隸阜城知縣建義倉手  
立條教與民約事無繁苛案牘立爲剖決嘗曰民

廣西通志卷一百六十列傳五

六

同治四年

吾子也不能以禮德化而使無訟訟又不卽理致  
羈候廢本業豈爲人父母所忍爲且小怨不理大  
釁必生保無自累乎嗣奇亦工書能詩著公暇錄  
詩一卷

湯應求字簡臣靈川人雍正五年以舉人簡發湖  
北分理水利事卽畱楚以知縣用庚戌冬權麻城  
縣事有治行先是邑民楊某有女弟再醮於涂不  
遜於姑夫責之楊氏忿甚乘夜歸前夫家涂尋之  
不獲遂與楊氏族互訟一日毆死一日逃匿令不  
能辨迨應求視事楊有從兄同範者邑生員也主  
其事必以毆妻至死誣其婿應求以事無左驗且

惡同範之健也請褫衣頂而同範益橫冀得肆意終訟置女弟於其家夾室中賄胥吏誣告無已將以求必勝也適河干有彘屍應求往驗已腐朽莫辨男女同範因指爲女弟屍誣應求改捏衣髮上官委屬覆檢者幸受楊賄盜易女髑體驗稱女屍應求抗論其僞不少屈不聽卒坐塗毆妻罪應死誣應求以受賄匿奸坐絞決有日矣同範偵無他患乃潛移女弟於其兄五榮家五榮妻產鄰媪來窺見女初鄰媪子爲刑吏以是案痕於獄銜之首之官廉得實乃重案前事楊氏弟兄不能隱其奸皆反坐所指浮屍乃董氏僕也應求於是始出

廣西通志卷一百六十 列傳五

七

於獄復原官補利用數年擢鳳陽同知卒至今麻城人述其受誣困辱事猶有淚下者

呂熾字克昌號闇齋其先旌德人祖某至永福遷臨桂熾幼端慤嬉笑俚語未嘗出諸口雍正五年進士改庶吉士散館授檢討累官至禮部侍郎既以親老請終養服闋補都察院左副都御史未幾致仕歸以祝

孝聖皇太后八十慶典八都預九老會

召主懋勤殿令丁圖其像年七十八卒於家熾居鄉輿服不異平人事親孝其父待之嚴熾雖貴顯值其怒輒長跪不敢起其爲講官數進經義多所發明

衡文尤精鑿裁乾隆丁巳分校禮闈再任順天學政所得士如阿肅景福嵩貴巴彥學于敏中李質穎喬光烈劉懋皆先後爲卿相有聞於時曹鑾字聖軒全州人雍正五年進士授永春知縣調晉江時嚴墾田令用贏納課能否鑾感然曰此加賦也如民命何獨不奉命上官切責之弗顧也未幾查豁

廣西通志卷一百六十 列傳五

大

詔下巡撫頗悔之牧令之以墾田僞報者皆端端待罪巡撫以實奏而自引咎事乃已巨憝戴博者健於訟府已上胥吏皆其死黨鑾捕斃於獄以聞旣而檄至無及矣邑有典先賢裔女爲婢者及長其家贖之靳不予鑾廉其實擇士人嫁之終湖北江陵知縣

周瑞字信玉臨桂人雍正十年舉人歷任山東海豐商河知縣海豐有黎敬等五庄地皆磽瘠賦同上則逋欠甚多民或逃匿瑞蒞任卽請免積欠減糧額詞意懇摯巡撫感其誠爲奏請得免積欠二千五百餘兩並減其地畝額徵之糧稅民困獲甦乾隆二十二年運河浸溢其水滯積直隸之慶雲知縣某請於總督謂馬頰狹淺當於海豐之王家堰以東開支河分流於海以消漫溢總督爲具奏工興有日矣民間驚恐以爲堰決則水勢直注田

盧皆不保瑞並按行堤畔審形勢繪圖備陳利害不可開狀上之巡撫檄監司再勘不誣乃以瑞議

聞事遂寢

曾唯字乾學全州人由行伍累擢至左江鎮標守備尋署撫標右營遊擊雍正十三年古州苗亂唯督師往剿十二月攻雄台寨奮勇先登既深入而後援不至遂沒於陣乾隆五年

諭祭贈卹子敏以廕官四川敘馬營守備古苗之逆命也用兵二年乃定廣西營弁陣區者又有千總熊祿把總蔣忠外委千總黎士俊把總蔣錫著兵亾者

七十九人

廣西通志卷二百六十 列傳五

九

同治四年

張椿字子讓臨桂人父母沒俱廬墓三年鄉人稱其孝當事以聞於

朝得旌督學復以優貢生舉焉先是椿父官山東日照知縣以妾女妻日照人既去官妾及子椿留居日照椿最賢工詩聞父母沒以毀卒椿赴山東修其墓搜求遺詩刊為火餘草蓋楷瀕死投其生平詩於火其妹攫得於灰燼中者故名椿銓授富川訓導卒其後有馬宏樹者全州人廬墓四十年乾隆已亥有司以孝請旌得建坊入祠祀董漢東全州人田家子也少孤事母能曲承志母病且劇有言割股可療者漢東泣指其臂曰此受

自誰者獨可以戕耶卒於無人處割一臍和藥以進母服之疾漸瘳逾三十年母卒漢東廬於墓側朝夕慟哭三年如一日全州以割股愈母病者又有舉人蔣達生員王照楨

朱若炳字彤章臨桂人乾隆二年進士官檢討尋改外用選山東長山知縣調荷澤歷城皆有政聲擢知膠州州濱海瘠壤歲連祲既莅任亟開倉振之僚屬僉謂必待報可曰吾民旦夕死胡可待吾寧任其告關東兵米素裕由海道至山東乘風可迅至若炳建借米之議上官多有難色而巡撫嘉其有識為奏請得允行州東郭有小溪久淤塞若

廣西通志卷二百六十 列傳五

三

同治四年

炳以工代振捐俸贖商贏疏鑿為河先是商船泊數十里外百貨率由陸運至是乃通行并溉田數百頃築珠山書院教育良秀為買田以助膏火既而調德州於其去膠人泣送達境十六年擢江西九江知府調南昌贛有疑獄久不決移密一鞠而白其冤郡屬豐城當章貢匯流每為災舊有堤瀕毀乃急為條具修築事宜計築堤二萬一千餘丈公私無擾未幾卒其後南昌歷城修志乘皆傳若炳為名宦云著有火餘詩一卷補閒詞二卷

蔣良騏字千之全州人乾隆二十六年進士官編修

充

國史館纂修官擢御史奏請定拔貢朝考例頗中時  
獎官奉天府丞四年又以太僕卿稽察右翼宗學  
皆以勸學興行爲實務克盡其職五十年與千叟  
宴

錫賚蕃厚終通政使良騏歷官三十餘年嫻於掌故與  
後進語輒終日不倦所著有下學錄京門草覆金  
紀遊諸集藏於家

胡德琳字碧舄其先休寧人父行賈於粵遂籍臨  
桂德琳中乾隆十七年進士初授四川什邡知縣  
繼補山東濟陽縣累官東昌萊州登州知府性耽  
書雖處繁劇未嘗廢卷嘗於署齋聚書數萬卷因

廣西通志卷二百六十七列傳五

同治四年補刊

自號曰書巢所至輒集名流編纂圖經如濟陽歷  
城濟寧東昌各郡邑志乘皆其手訂官山東二十  
餘年士被其教澤者甚衆著有西山雜咏東閣閒  
吟書巢尺牘燕貽堂詩文集藏於家

蔣振閫字朝玉全州人乾隆十七年舉人歷官陝  
西安定四川平武直隸新樂吳橋知縣勇於任事  
涇平武時金川逆命振閫在營臺站日登春曰孩  
多皆賊所出沒處前營站官方遇害振閫獨勾當  
兩越月不少挫羊河蠻內亂密邇平武上官檄振  
閫問狀振閫曰蠻酋安置失宜相仇殺非有他也  
請往喻之單騎帥十餘人抵其巢羣蠻千百爲羣

持兵守隘呼號聲數十里不絕從者皆震掉失色  
振閫從容呼守者前諭以利害及  
朝廷德意皆釋兵叩頭稱父母去

郭良相臨桂人官四川巡檢乾隆癸巳  
大兵征金川檄守臺站爲賊獲不屈死之

陳枚字元幹全州人乾隆十八年舉人挑發山東  
甲午權堂邑事時王倫倡亂堂邑民王聖如應之  
枚收其妻子於獄登城爲守禦計而賊衆突至日  
還我妻孥猶可赦也枚奮罵曰爾罪無可赦而欲  
赦我命官耶城破罵益厲躍重劍死之其弟武舉  
元樑與賊巷戰格殺數十人力竭不屈亦死之時

廣西通志卷二百六十七列傳五

同治四年補刊

九月初四日也事聞

賜祭葬加贈道銜元樑贈千總皆蔭一子是時同死難者  
教諭訓導與城守營弁其後東昌知府完顏赫紳  
秦建祠於府治祀之額曰五忠祠

陳培敬字緝文枚從兄也乾隆二十一年舉人授  
館陶知縣王倫既擾壽張陽穀堂邑諸縣而陳枚  
以罵賊遇害培敬慨然曰賊徒猖狂當先發制之  
生員趙之炳張灑王建基者有膽略培敬夙知之  
俾偵賊所至設伏於張關寨突起而擊之殺數十  
人賊驚潰培敬曰賊雖小挫必復來翼日賊果微  
車鄉止培敬密令鄉人佯應之而醉之以酒匿其

械器乃督衆攻其外民應其內格殺無算賊自是

不敢犯邊登州同知數年以老疾歸俱同

李文蔚字韞山先世上元人曾祖始遷臨桂支蔚

少有文學而性好騎射乾隆三十七年中武進士

選陝西督標右營守備屢以卓薦遷副將其任漢

中都司奉檄往和闐理糧餉及率回部采玉勤敏

清慎受代歸囊橐蕭然惟手撰和闐風土產玉采

玉沙山諸記有行篋衆咸服其操嘉慶元年

王師征邪教文蔚方授哈密副將即以討賊請與賊

戰於太平之通天觀洞汝河與安之將軍山雞爪

嶺王家寨諸處凡七戰皆捷其破洞汝河也殺賊

尤多論功

賜孔雀翎尙家垠者紫陽要地也文蔚守之四年正月

二十八日賊衆大至與戰一日夜沒於陣事聞

詔以總兵例議卹

賜祭葬予騎都尉世職采訪廣西之以討邪教與文蔚

先後死事者直隸守備臨桂麻允光雲南守備馬

平蕭文印雲南千總新甯黃兆熊廣西遊擊臨桂

楊秉昭守備桂平李成千總臨桂鄧純宣化陳金

禮王勝龍馬平李榮光黃熊飛羅應龍包成功賓

州譚會龍把總臨桂馬瑞圖唐正鳳何應明蔡毓

瑾馬平鄧得呂尙王平樂陳飛賓州蕭玉亮外委

廣西通志卷二百六十 列傳五

同治四年補

臨桂童上標馬騰雲榮任祿馬平莫章桂平梁士  
明嘉慶五  
年檔冊

廣西通志卷二百六十

廣西通志卷二百六十 列傳五

同治五年補

列傳六 梧州

白聳

覃光佃

王之才

覃昌

宋士堯

張亞卿

韋允

權度

李清

謝洪 弟澤

計仲政

侯能

鄧敏

劉獄

秦應

秦進

歐陽仲

郭本

李芳

奉顯

周琦 簡弼

傅獻策

楊護

期清

李震

計宗道

李允簡

呂景蒙

范輅

戴欽

余勉學

秦健

徐養正

王寵

夏汝礪

戴希灝

張狷

王尙學

王化

緒東山

廣西通志卷二百六十一 列傳六

一

羅向辰

管惟乾

鄧文學

劉順之

湯自強

孫克恕

徐可久

梁雅

龍文光

覃文應 子懋德

戴震

曹應元 弟應魁

曹維屏

陳讓 夏起鳳

楊剛 馮選 潘貴 廖定邦 石得勝 朱國英

謝名立 鄧應相 陳大佩 李世俊

邱崇茂 唐正隆 賴得勝 楊秉曙 歐陽寧

唐徐衡 韋仕華 王斐章 黃飛驎 張蔚成

史敦義 鄧金保 周之鐘 徐明 金興信

韋雄武 雷得隘 彭振龍 何茂 傅天雄

岑上惠

歐陽永禱

唐

廣西通志卷二百六十一 列傳六

二

白聳馬平人為義勝都將光啟中寇入郡境盡驅其民掠其財帛聳率所部攻賊奪而歸之賊由是不敢犯其地及卒郡人思其德為之立祠以祀之

戴文

宋

覃光佃融州人博學能文宋開寶進士為監察御史彈劾不避權勢京師呼為真御史北敵屢犯邊三上疏累詔褒之進武騎尉知雁州軍事時沿邊將士多貪功妄殺及媮惰不職悉懲以法既而還沿邊都總管兼勸農使外籌邊策內肅朝儀咸倚

重焉進階銀青光祿大夫檢校太子賓客歷官三十載以老乞歸詔特進光祿大夫上柱國賜紫金魚袋致仕

志

王之才洛容人少好學與同邑張亞卿齊名登慶

歷進士歷官工部侍郎有吏治才

一統志

覃昌融縣人家世業儒祖父以宦績顯昌獨閉門

講學以求道為已任文峻而整學精而覈其教人

一本六經慶歷五年登進士官至國子祭酒有文

集

載文

宋士堯馬平人皇祐中饒智高寇廣南士堯率兵

至邕州與戰已而敗北賊斷其首尸不仆猶犇馬

而還後贈屯衛大將軍

同

三

同治四年雜刊

張亞卿洛容人種學好文顏老不衰郡守鮑安邱

奇其才以遺逸薦尋登進士官至朝議即通判廉

州

志

韋允來賓人性質素以耕為業常手執一卷秉耒

之暇即田間誦讀之教養子孫族漸蕃衍今邑中

以韋為著姓皆其後裔云

志

權度字靜山來賓人進士權鳳孫有才辨議論今

古口如懸河屢舉不第即隱居課子與郡城諸前

輩詩酒往來為雲霞之友性淡素與人無競以上

壽終

李清來賓人少好學屏絕人事讀書白雲洞不樂仕進年逾七十猶手不釋卷葛巾野服望之如神仙

俱同上

謝洪象州人與弟澤皆博學能文時稱二鳳宣和

閒相繼出任雅遊薦紳閒以氣節自負南遷之客

多館於其家

志

謹案文載作武宣人

明

許仲政字永清馬平人洪武初岷夷猖獗知縣張

霖以才能薦為巡檢率民兵與戰俘馘五百餘諸

岷凜然凡被擄者多奪之歸時總兵韓觀知其能

託為心腹發縱指示無不成功后後四十餘年致

仕卒

載文

四

同治四年雜刊

侯能懷遠人獨眼善弩與海賊酋較弩酋長輒應

弦而斃如射虱心賊黨數千遂屈其下朝廷欲官

之對曰不願官但得一蓋蔽日行有鼓吹足矣遂

官以指揮

鄧敏象州人洪武丁卯舉人官禮部儀制主事敏

十歲喪父事母陳氏孝母疾篤敏禱願以身代母

疾隨愈後母卒居喪哀毀廬墓三年有司扁其家

曰思本堂

俱同上

劉嶽馬平人永樂庚子舉人為戶部員外疏奏漢



王不法事成祖怒擲疏於地尋念其忠直特遷禮部郎中

秦應字思敬融縣人中永樂庚子鄉試卒業太學

授江西都司斷事有富民毆人致死者撫按知應

廉明屬訊卒正其罪進刑部浙江司郎中與堂官

論刑或抵牾趨出次日復以舊牘進必行乃已及

獄多平反出知廣平府奏罷積弊以內艱去時融

田為賊據久荒而民納租役如故服闋赴京具疏

奏蠲之補浙江嘉興府政尙嚴明奸慝屏息擢浙

江參政檄甫至卒

秦進字廷玉象州人正統戊午舉人幼孤服母教

性嗜學不事嬉遊初為瑞州推官詎獄明允請托

不行人咸憚之歷高肇二府通判嘗因搖寇請益

軍儲盡革宿弊不畏權貴以疾歸

歐陽仲馬平人景泰四年舉人成化中任鎮江府

推官廉潔無私獄平允郡有盜剽切巡吏誣富

民若于繫獄仲歎曰為民父母忍視無辜逮死邪

遂白當道率兵民掩捕果得真盜百人民遂得釋

郭本字道克融縣人景泰二年進士歷官御史七

年巡按貴州又巡浙江時權璫肆惡本疏劾之諫

雲南永平主簿量移太平同知擢知太平以疾歸

載本任永平簿拓縣治綏流夷常言永平小邑不

宜置冗員召還還疏請省主簿從之

謹案文載作永平典史今從雲南通志

李芳字本春融縣人景泰甲戌進士夷陵知州時

州士久乏計偕芳拓州廨東建館舍取所試高等

陳銘輩會文其中親為講授以次選舉教育實多

律已清嚴而臨民平易州人歷今稱賢守以芳為

最遷貴州參議累官雲南左右布政使謝病歸囊

無長物居室卑隘率子孫向學鄉里服其清德

秦顯字孔昭象州人景泰間以歲貢為南平丞時

閩寇鄧茂七作亂顯率兵破賊城賴以全而身冒

鋒鏑幾斃流矢遂棄職歸食貧居淡不干有司曰

持釣竿坐河濱得小魚數尾沽酒自樂人稱為釣

叟

周琦字廷璽馬平人成化辛丑進士遂于問學嘗

謂堯舜禹湯文武周公孔子孟軻道之準的也周

程張朱道之羽翼也不審視其羽翼安求準的因

著東溪日談十八卷又著儒正篇論薛河東之學

為心印濂洛神合洙泗蓋學于河南闞禹錫其所

傳有自來矣成化間鐘賊猖獗琦時為南京戶部

員外上疏指陳多中時獎時論建之同郡有簡弼

廣西通志卷二百六十一 列傳六

五

廣西通志卷二百六十一 列傳六

六